

Fin di siman aki lo ta uno cu hopi actividad pa celebra di Dia di Betico

E fin di siman aki lo ta uno di hopi actividad, ya cu Aruba henter lo ta celebrando e fecha di natalicio di nos Libertador, Betico Croes.

Primeramente, awe diabierna tin futbol y domino na Sportboys na Santa Cruz, cu ta cumenza di 6'or di atardi pa 11'or di anochi.

Diasabra e celebracion ta sigui cu varios torneo, e.o. na Centro di Bario Noord, caminda lo bay tin e torneo Little League Copa Rotativo Betico Croes, cu lo cumenza di 9'or di mainta pa 6'or di atardi.

Mesun momento, e torneo di futbol y domino lo continua na Sportboys, Santa Cruz, for di 12'or di merdia pa 11'or di anochi.

Riba Dia di Betico mes, lo bay tin actividad ful rond di Aruba, for di San Nicolas te na Noord. Banda di tur actividad deportivo, na varios distrito, tin we-

ganan popular lo sigui na Centro di Bario Brazil, for di 11'or di mainta pa 10'or di anochi.

Pa loke ta trata e ceremonia mes, esaki lo tuma lugar, na prome instante como un ceremonia protocolar, kibrando asina e tradicion di e ceremonianan parti mainta. Esaki lo ta na Plaza Libertador Betico Croes, parti p'abao, n'e estatua, y esaki lo cumenza di 5'or y mey pa 6'or y mey di atardi.

Finalmente e dia lo sera cu un manifestacion cultural, cu lo ta n'e mesun sitio, y lo cumenza di 7'or di anochi y lo termina pa 10'or y mey.

Lo bay tin un programa extenso pa loke a trata e ceremonia oficial aki, caminda lo bay tin presentacion di concierto di nos hobennan – Nos Futuro”, consistiendo di artistanan hoben popular di Aruba, entre otro Maribel Maduro, Michel



Almary, Kimberly Dijkhoff, Jaderick Croes, Hilyann Croes, Jeanchrisjair Versprey, Mithell Tromp, Jonathan Thiel, Arianne Westerburger, Amy Richards, Humphrey Obispa, Jerrino Rid-

derstap, y hopi mas.

Despues di e clausura di e manifestacion cultural, e anochi ta sera cu nada mas y nada menos cu OREO, kendenan lo percura

pa anima e publico presente. Pues bini uno, bini tur, bin muestra bo amor patrio y alavez disfruta di un dushi anochi. Lo bay tin tambe stand di cuminda, bebida, artesanía y hopi mas.